



Na osnovu člana 64. stav (1) tačka (b) i člana 70. stav (1), (2), (3) i (6) Zakona o javnim nabavkama („Službeni glasnik BiH“, broj 39/14) i člana 3 stav 1. Odluke o proceduri stvaranja obaveza, broj P-177/08 od 28. marta 2008. godine i broj P-177/08-I od 15. aprila 2009. godine, predsjednik Ustavnog suda Bosne i Hercegovine, donosi

### **ODLUKU** **o izboru najpovoljnijeg ponuđača**

#### **Član 1.**

Okvirni sporazumi za nabavku servisiranja kancelarijske opreme za potrebe Ustavnog suda Bosne i Hercegovine, zaključuju se kako slijedi:

- Za lot 1 - servisiranje fotokopir aparata, multifunkcijskih aparata/faks aparata, printera, skenera i projektora, ponuđaču „ALF-OM“ d.o.o. Banja Luka, ponuda broj 0622/VS, za ponuđenu cijenu od 0,04 KM bez uračunatog PDV-a odnosno 0,0468 KM sa uračunatim PDV-om za norma sat/1;
- Za lot 2 – servisiranje računara, računarske opreme, laptopa i servera ponuđaču „FIXIT“ d.o.o. Sarajevo ponuda broj 140916/MC-002-T za ponuđenu cijenu od 4,95 KM bez uračunatog PDV-a odnosno 5,79 KM sa uračunatim PDV-om za norma sat/1;

u skladu sa preporukom Komisije za izbor najpovoljnije ponude.

#### **Član 2.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

### **Obrazloženje**

Postupak predmetne nabavke pokrenut je Odlukom o pokretanju postupka broj P3-285/16 od 20. juna 2016. godine. Javna nabavka je provedena putem konkurentskog zahtjeva za dostavu ponuda, Obavještenje o nabavci i tenderska dokumentacija objavljeni na Portalu javnih nabavki 1. septembra 2016. godine, broj 514-7-2-126-3-18/16. Komisija za javnu nabavku je blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno slijedeće:

- Da je ukupan broj pristiglih ponuda tri (3) za lot 1;
- Da su blagovremeno zaprimljene tri (3) ponude za lot 1;
- Da je broj prihvatljivih ponuda tri (3) za lot 1;
- Da je broj neprihvatljivih ponuda nula (0) za lot 1;
  
- Da je ukupan broj pristiglih ponuda jedan (1) za lot 2;
- Da je blagovremeno zaprimljena jedna (1) ponuda za lot 2;
- Da je broj prihvatljivih ponuda jedan (1) za lot 2;
- Da je broj neprihvatljivih ponuda nula (0) za lot 2;

Komisija za nabavku je nakon izvršenog pregleda prihvatljivih ponuda, po kriteriju najniže cijene, predložila izbor ALF-OM“ d.o.o. Banja Luka, ponuda broj 0622/VS, za ponuđenu cijenu od 0,04 KM bez uračunatog PDV-a odnosno 0,0468 KM sa uračunatim PDV-om za norma sat/1 - za lot 1 i „FIXIT“ d.o.o. Sarajevo ponuda broj 140916/MC-002-T za ponuđenu cijenu od 4,95 KM bez uračunatog PDV-a odnosno 5,79 KM sa uračunatim PDV-om za norma sat/1 - za lot 2, kao najpovoljnije ponuđače.

Ova odluka objavit će se na web stranici Suda [www.ustavnisud.ba](http://www.ustavnisud.ba) istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

**POUKA O PRAVNOM LIJEKU:**

Protiv ove odluke može se izjaviti žalba predsjedniku Ustavnog suda Bosne i Hercegovine, najkasnije u roku od 5 (pet) dana od dana prijema, na način definisan članom 99. Zakona o javnim nabavkama. Žalilac koji je propustio izjaviti žalbu gubi pravo tražiti ispitivanje zakonitosti po istom osnovu, u kasnijoj fazi postupka.

Broj P3-285/16-I  
4. oktobar 2016. godine  
Sarajevo

Predsjednik  
Ustavnog suda Bosne i Hercegovine

Mirsad Čeman



**Dostaviti:**

1. Ponuđačima: 3.-
2. Finansijskom odjeu
3. Administrativnom odjelu/Arhivi